

存復齊文集

存德齋文集卷之九

元征東儒學提舉睢水朱德潤澤民著

曾孫夏重編

賜進士湖廣按察使東吳項璉彥輝校正

過岳鄂王廟

汴宋南遷社稷憂忘魂應念國包羞錢塘千載英雄
恨亡本殘陽掩暮秋

丹陽道中聞雞

風雨司晨晦不休數聲唧啞屋南頭更聞喚起邯鄲
夢月落霜清处处秋

廣郭祥卿照磨飲酒詩

儀狄釀甘醪大禹灌夫使酒慢皇親先生都忘百拜
禮但覺甕下長如春
酒量詩懷雙羨具詩愁無酒竟如何百杯澆我肺腑
熱始覺胸中相盪磨

昔人好酒名雖在死灰萬劫誰能全我今悼昔復須
飲翻恨不生中古前
好客過門無酒飲及至有酒客不來世事相違每如
此遇情詩酒亦佳哉

贈牋紙呂生

玉肌均膩粉初乾淡淡空青印碧闌曉日長楊新賦
就墨雲時度玉墀寒

羅文緝緝深湘派中墊晴空一段秋莫問殺青千古
事漆書應讓管城侯

粉透楮標光疊疊暗撒銀星研熟蠟興來一筆掃千
張未惜牙籤盈架榻

仙人杵就玄英汁爛凝雲母春膏濕試令毛穎掃雲
烟即墨大夫方侍立

十二月七日夜紀夢四絕

夢入仙家讀古書琳琅金薤篆文疎高陽科斗無人
識爭似先天未畫初

中夜神遊帝子鄉空騎丹鳳恣翱翔五雲低拂珠簾
捲無數神仙碧玉堂

白雲扶起碧闌干，中有仙人為我歡。
玉芝擎酒添酥滑，袖拂金莖露未乾。

琅玕簾上半牀書，瑪瑙盤釘紅珊瑚。
青童引出玉階滑，側身自覺空欹踰。

出郭

步出東臯隔市塵，青山高下欲迎人。
汀花有意開何晚，野草無名自自春。

居庸關雪

山前龍虎踞成臺，山後神州斗極開。
雪意似憐天設險，界高鋪作白磴磴。

立過彭城

誰云河廣不容舠
急景臨風渡晚潮
却望彭城舊遊處
黃樓碑畔屋蕭蕭

次韻虞先生題曹霸馬

碧草秋深豎牧西
八方分隊展霜蹄
玉花一入將軍畫
盡壓世驪黃不敢嘶

訪劉道士

山中道士誦黃庭
石洞春深畫不扃
我欲臨池書筆陣
對君摹取換鰲經

又

雲林深处翠微多
石室春深長薜蘿
當代衣冠正高貴
不須閑誦采薇歌

贈江少卿四景圖

昔年同會醴泉君邂逅中郎佐幕
負別後春風隔萬里獨憐醴酒大江濱

競途赤日飛黃土高柳薰風長綠陰
午夢醒來眠舴艋一篇書對聖賢心

草閣荆蘿松下居門前山色雨晴初
青衣稚齒秋開滿岼嶸眉眉畫讀書

積雪滿山開盡齒枯梢擎玉深村
墟征鞍客子驅馳疾茅屋人家閉塞初

題趙仲穆瀛海圖

玉觀仙臺紫霧高昔騎丹鳳恣遊遨
雙成不念吹笙

侶聞苑春深醉碧桃

詠袁子方撫琴

山溜泠泠遠樹稀
斷崖晴壁碧雲低
秋風一曲胡笳怨
明月滿天烏夜啼

陶淵明歸去來圖

甲子題年玩物華
門前栗里自桑麻
從他晉使書劉宋
別有黃花處士家

大明殿正旦口占

簌簌冰霜曉未銷
雞人侵早戴紅綃
六宮簫鼓迎春旦
一簇衣冠賀歲朝
寶扇斜行金輦至
絳簾高捲翠烟飄
太平宰相先行酒
盛禮應知絕百僚

賀張景亮知州致仕韻

角中歸里舊儒冠，官轍驅馳涉萬端。
揚柳碧溪春晝永，梅花白雪夜寒朝。
廷有道客辭考田，野無羈得盡歡。
幸喜玉堂遺業在，安車留待後人看。

送劉德璋提點還宜興通真觀

通真仙觀欲凌虛，北谷先生晝隱居。
玄鶴不歸華表柱，白雲長護紫泥書。
銅棺已化人徒仰，鉢鎖高懸孰可舒。
便欲束書陽羨路，青牛春晚又迴車。

題趙松雪江山萬里圖

平蕪烟水碧連天，南渡旌旗一葦先。
澤國始知燕士馬，江山重識漢樓船。
舉頭日近三千里，屈指書同六

十年文敏不忘前史意毫端留得畫圖傳

遊梁溪暮歸

古樹呼風作雅音石梁溪渡景沉沉山橫宿靄曉晴
薄人倚曲闌秋思深潁水空遺黃鵠恨茂陵多感白
頭吟棲遲莫厭歸來晚明月驚烏繞故林

簡蒙古松經負外

紫垣不省過揚州毗佐人材孰與侔千里湖山當北
拱平天星斗近南樓從容惟怪論時務經緯文章合
廟謀學相便須真作相澄清先看浙江秋

和王繼學治書韻

駒隙流光一鏡懸虛明直與竒窓連
鑿開混沌知身

外別有山川在眼前蓬島秋深椿漢使桃源春暖避
秦仙敬亭山色看如畫能枕園屏穩晝眠

送張仲舉赴集慶路學訓導

講帷秋冷坐經年賦裏班揚擬後先烏府早徵經學
士鷺車當薦廣文瓊絲槐陰下朝成市白鷺洲邊晚
放船莫訝金臺先隗始梅花宜在公堂前

送趙季文任湖州錄判

萬里奉親官署近萱堂春早燕呢喃桃花紅似郎君
馬楊柳青於從事衫若水漁舟烟浩渺何山書舍石
巉巖莫思杜牧尋芳晚剩有新詩寄一緘

俞元明參軍雪中以詩招飲就和韻時學士東

泉魯公大叅對能王公御史子昭郭公同行

上方山頭雪迷路石湖橋上作行春湖光萬頃送歸
棹山鳥一聲如喚人靜樂可忘軒冕貴清遊端勝綺
羅塵人間今古誰能賞詩思不如圖畫真

通波亭下水洌漫雪積湖山不夜天鑑曲寒深宜賞
酒剡溪夜半欲迴船澄清有志終何日落魄無成過
壯年出郭使還非恃懶雪寒書幌要高眠

送達無暑元帥赴浙東

伏波將士出鄞東夜斬鯨鯢碧海中帟帳夜寒雲蔽
日雲旗催曉浪翻風帆開鷁兩桅星白箭拂旄頭血
點紅洗手便收歌凱捷大藩文帥作元功

題豫章山房

豫章村老色參天擁護山僧丈室前豈為法身同草木要驅塵慮出風烟茶甌香篆晨齋後竹几蒲團夜榻邊獨有瀏陽歐學士題詩遙問不空禪

三月十八日卧病感懷

卧病兼旬竹物機夢遊蓬島欲心飛無方縮地憂行後有意談天畏是非流水點紅桃雨霽長林迸綠笋芽肥便頻再約坡仙去為覓還山舊羽衣

過魯橋

姬德衰微礼樂休八方征伐自諸侯春秋一字周公法雍撤三家魯國憂遠岫北來雲杳杳野橋東匯水

悠悠享年不得為盟主
孰舉桓文霸業優與

和李仲節詠落花韻

谷鶯啼老稚桑新綠褪紅消
數晨輕逐曉風粘酒
竿平和塵土上
尊簫香隨流水
千年恨影別殘陽幾
度春却憶當時討光帽山香一曲淡露中

次韻龔子敬先生題春申君廟

吳楚兵鏖澤國秋
誰營遺廟暮江頭
草深殿趾埋幢
戟塵暗宮牆畫
寃旒古像空遺人
血食忠魂應念國
包羞寄君千載
声名重落日西風
蘭杜洲

大明殿四古

翠戟珠旒擁玉墀
重瞻光彩射梁恩
班齊高唱千官

列表奏儀通萬國
祥寶鼎香濃簾影動
彤庭春暖樂
聲遲侍臣賜衣更衣誰解
簪花第一枝

絲竹聲傳鼓吹
富寶義輓象列三台
從官緋紫東華
入阿母旌憶與聖來
繡鳳鋪裯攢疊暖金
龍纏柱展
屏開太官肅綢繡
梅味獨有雙成捧玉
杯

次韻李蔡贈鐻工何生

千人萬人貌不同
市鬚長眉侯與公
何生始拂山人
容鶴毛入耳聞松
風輕刀掠面過微
雨快擲理髮矜
藝工我冠未彈且
歸隱琵琶聲斷南
來鴻

和虞先生題武當山張真人別業

嵐雨初晴綠樹新
松蘿夾屋淨無塵
洞花幽鳥時時

別野鶴孤雲日日親紅霧半窓丹火候青山萬古
年人從君更不爲宅玄武門前作近隣

建州謝安石詩

渺渺江極遠
灤陽公子濟人危
枉梁駕海長如
帶砥柱中流
屹不移策馬已無朝
渺患褒囊何用宿
春期礼官司
皆王事寵錫褒章耀海湄

登五華山次李公餞韻

淡日籠雲作晝陰
關山行客上高岑
無窮宇宙千年
事有限光陰一寸心
鳥道高依青嶂險
猿啼長傍綠
陰深誰教羸氏居
豐鎬文武遺音恨至今

送吳宗師南還頌香

維山白鶴初辭駕老子青牛早度關龍袖捧香傳帝
座鳳城聯羽出仙班玄風已振江湖外大道常存天
地間曾拜累朝恩命重肯忘忠報隱家山

次韻王繼學參政題四美人圖

紅葉題詩

金殿風微拾墜紅題詩聊寄玉溝東芳情有意隨流
水細字無心學斷鴻別館乍涼霜透袂長門深夜月
移宮半情偶尔成佳配不道周南有國風

對鏡寫真

千金畫史托鉛華難寫春心半綵霞雨西秋波隨彩
筆一奩冰影對鈿花情情曉月春風思逐朝陽紅

樹鴉不信雲間望夫石解傳顏色到君家

洛神

輕裾長袖逐雲飄欲托閑情一水遙弭節不聞遺珮
玦迴車空聽咽笳簫鮫綃重驚秋雨羅襪塵輕阻
候潮腸斷山陰王子敬白頭書賦更蕭蕭

二喬

鳳釵雲髻綠重重生色羅衣並玉容謗讀兵書裨漢
策且將眉嫵畫吳峰良人得意年俱少往事添愁晚
更濃猶幸不隨銅雀曉月朝歌舞雜莎蛩

題趙季文茶屋

地爐火暖石鼎新竹窓矮屋翻晴雲湖州紫筍蒙山

珍惠泉初沸蟹眼溫蒼頭廬兒來閉門一滴玉乳齒
類津玉川且啜五六碗陸羽何須三十文

天宮寺僧寅對恭藏宋王无之詩因次韻

隔屋長松覆滿齋童年竹馬記頻來講堂經罷僧偈
史京國人歸袖惹埃古佛成深花蠹缺長廊春淨雨
生白塵緣未結東林社禪榻留茶日暮迴

居庸霽雪詩呈拜相

雨露承恩徹九重曾經密雪上居庸黑雲捲地江河
立玉柱撐天草木濃瑞象遠瞻連北闕尺書常擬報
東封太平粉飾雖無用青史千年在筆鋒

漢銅虎符歌

建章前殿金鳳凰，兵符五出草于降。漢家明詔下，雞
鹿將軍夜送呼韓王。棘門驃騎多猛士，酒酣擊劍頌
效死。征和丞相佐君王，從茲合符兵不起。霜風千年
換陵谷，銅秀土花青似玉。班班只憶漢彤庭，用夏那
知變夷俗。當時銜命出關中，編鬚豈敢要奇功。平原
斜獸不擇肉，印章千里空泥封。

題張縣尹書巢

太古有巢而無書，中古有書而不巢。先生一室方丈
餘，長編短帙插棟高。低棲已有肥遯意，何必洗耳聆
風瓢。壁中科斗未可知，柱下周史真吾曹。鳩來居之
誰使勞，不若梁上懸三刀。

偕張清夫登道場何山用坡仙韻

松林夾道雲迷麓細泉無聲走空谷捫蘿倚磴行轉
緩百折峰巒看未足鷗鴟泣雨山漫漫懸崖老樹蒼
虬蟠登樓倚檻俯木末嗽泉汲澗分餘湍老僧延坐
話夙昔夜半談空屢前席自云久是茲山主殿下長
垣屢封植山頭碧瓦如連環曾聞仙客來雲間猿驚
鶴怨知幾許伊吾聲斷愁空山明朝烟雨開晴旦折
花臨水春將半我亦歸山讀故書何必懷仙生浩歎
萬戶張侯德昭有經濟之材政事之暇留情圖
史嘗出其巖居仙人圖乃金時李東原所畫杜
止軒為作蓬山行曹南江為大書之僕因次韻

其後云

巖居仙人壽莫測
為紗絲其蓬萊客
太乙青藜晝不燃
雲和玉琴微轉白
手探月窟驪龍珠
涵作六經留石渠
方今盛世宜出治
山澤千年生器車
岩花搖風折不得
我欲從之雲水隔
道妙真猶老子龍
情閑不夢莊周蝶
人生會遇皆天然
披圖玩史非凡緣
張公素有三經術
術致君堯舜承平
年

題石崇錦障圖

洛陽金谷園中花
雕玉為闌縵為遮
琉璃地多出珍饈
瑪瑙街長行細車
綉屋塗香貯歌舞
曳珠珥翠籠輕紗
珊瑚扶疎三四尺
玉羊貴成爭豪奢
那如花

浩風雨如古來山澤生龍蛇嬋娟墜樓臺如碑不惟
亡身亦亡家千年基榭委陵谷月明夜半啼鶯鴉晉
代君臣好華靡庶姓僭偷從此始都城百雉古難堪
錦幃何緣五十里君不見衣不曳地慎夫人文帝戈
錦風俗淳

題張叅政所藏太真上馬圖

開元朝野時清明姚宋廟諱多輔成紫宸前殿焚錦
繡花萼樓高迎弟兄那知報豫生淫樂慢舞霓裳羽
衣薄龍焚流袖入宮牆野鹿銜花污簾箔春晴並
曲江行回顧河環橋態生綉珠綴如花旋素號樹
房恩寵增宮中昇出錦綉兒兵滿漁陽人未知九齡

忠諫漫不省林甫養姦滋亂基翠華雖省驚塵蒙劍
閣西迴渭水東王臣下微同列國從此藩鎮爭豪雄
人生富貴真迷塗傾城褒姒無時無焉知寡欲成善
治試問當年無逸圖

三駿馬滾塵圖

盛唐太僕王毛仲八坊分隊三花動當時畫馬稱曹
韓尺素幻出真龍種三花照夜爭新妍一馬滾塵鬣
尾鮮昂頭不受青絲絡汗血輞沙生畫烟翰林妙寫
不減古名駒添出新毫素延祐君王賞駿材金盞賜
帛開當宁時清外處生驪駒何必漢朝稱渥洼王良
幸勿嗔踴躍一躍天衢千里沙

仙山圖為趙彥昭賦

倏伺之山戴斗極疊嶂橫陳開碣石翠煙丹磴互低昂
複閣層闌轉空碧碧桃花落笙聲幽双成吹玉彩鸞
謳跨鳳騰雲去無跡清猿啼斷層煙秋霞光隱映
山長在寰海茫茫隔烟靄舊遊仙侶謾招呼悵落人
間幾千載吳爭越戰何可數束書欲問桃源路畫圖
空見避秦人隔水漁郎不相顧

贈張鍊師游京師

鍊師家住茅山窈玉泉為池翠雲繞丹成不隨笙鶴
去酒酣擊劍思燕趙古稱燕趙多義士京師貴官皆
倒屣君今挾策遠尋師聞道王公新奉旨黃金殿下

拜子綽却到元從此始他年雲外聽山呼茅山合
在東封裏

次韻蘇昌齡求畫

先天未畫龍負面後天既畫無成書人文肇開清濁
判移山之術母乃疎知君愛此愚公術收拾万象開
清虛一拳之石一勺水疏鑿變態冰玉如紅雲紫霧
梵王宅丹崖翠壁仙人居憶昔神遊記閭闔天風駕
鶴飄衫裾悞落塵寰三十年吹笙舊侶誰儔予江空
歲暮知己少蘇仙忽作陽春噓嵩高玉屋竟何所便
欲呼君同結友人生多能祇自苦魯質不若曾子與
龜雉雉賢君記取何如浮雲任卷舒

和趙季文藏集吟

高堂風露生涼秋
興來乘月登西樓
杜寬對客被短
裘獨吹簫栗
驚羣優移商換羽窮雕鏤
篴篥聲
不侔梨園宮人清
汨收昔聞此曲供王侯
念花玉管
蒼鳳頭當筵咿啞和
梁州緩急應節如舞牛
清風席
上寒飈颺
關山葉落清渭流
朝供暮奉何時休
歸來
白屋書謾抽走謁
高貴多請求撥刺驚
魚鰕寒溪山
空怨鶴中夜愁時作
低韻同羗謳
趙公一聞然解憂
先生作歌君少留
昔曾天上聆鐃球
翕如鸞鳴丹
丘聽之不厭兩耳浮
便常聽
趙公雙乳拂衣知
曲終
天遊

詩畫送高三山還西江

廬陵老翁號三山卜擇雲水思神仙閭風玄圃定何
所烟霧宵忽迷晴川紅雲帝居我昔在笙鶴縹緲非
人間早服還丹非九轉虛心自赤髮自玄三山老翁
記予說被髮振珮凌風前山空無人衆木落蒼翠點
滴衣爛斑却憶思凡下九天同列顧笑不甯言鐫辭
琬墨供世好悞落塵世三千年

讀南史

梁宮夢覺中原春金甌一缺非天人賀蘭西歸宇文
悟誰教鮮卑解遣軍南方久事名教地翻覆跋奴安
足恃渦陽衆潰欲何之壽陽城下無完器韋郎自失

劉神茂徐玉那能說游語老翁誰道薄心腸養成疾
踵粗於股燭旗夜繞臺城昏十萬兵燒司馬門侯王
置酒散宮妓圖書東府俱烟塵天威可懼仍可忤湘
東未暇勤君父上流骨肉自相殘蕭警西降作周輔
太平玉燭誰議之淮海長鯨授首遲客星夜半入翼
軫俄見江陵著素衣貞陽北入王郎候晉安不及王
琳顧金陵城闕又新陳江水無情日東注

存復齋文集卷之九

存復齋文集卷之十

文從東儒學提舉睢水朱德潤澤民著

曾孫夏重編

賜進士湖廣按察使東吳項璵彥輝校正

詩

陪子思庸訓導登道山亭觀梅用坡仙韻

道山亭下梅花村坡仙作詩為招魂明姿照人隔寒
水瘦影帶月欺黃昏先生頗厭郡齋冷持書晚約窺
山園松風吹香清入骨地爐烟銷酒初溫孤標已出
塵井上故遣雪意迷晴曦和羹結子時較晚先傳春
色來衡門天寒谷幽翠袖薄豈知青鳥能傳言明晨

看花重有約呼童掃石羅清樽

題趙學士畫牧馬圖

紫烟凝沙日色薄奚官挽繮行蹀躞五馬追風振鬣
高逸態飛騰珠汗落方瞳紫焰耳卓錫昂頭顧前行
且嘶驂騮真種忽殿後獨立掉尾猶清奇君不聞路
州別駕征西河于闐曉貢拳毛騮曹韓畫圖李杜贊
神物久去空文華吳興學士非畫師刻藤繪出真龍
姿金鞍遊客爭快覩千金博取求新詩

除日

日行三百六十五今夕方除歲云暮人生憂樂百年
期又見日除當此度養和適情宜及時古今亡

十稀自非金石不可永刀圭誰保長生期彭宣老時
亦何之不須更作遠窮詩客聞此辭莫傷咨尊前且
醉黃金卮

陪楊仲弘先生

翫重羽畫江叟吹笛天龍夜降

黑雲冥冥江叟出暮泊孤舟夜吹笛恠雨盲風動地
來奔濤只欲沉江國一聲吹罷閔河黑亂石隨波山
樹側雲端天矯見双龍水氣高寒星漸沒聞声解意
似相感一曲未終人聽寂吾聞應虬龍在天潛鱗或
躍藏深淵仙翁幻術偶驚世將圖蕭瑟能相傳請君
急絨卷還客更似欲言龍欲逸淮南赤日土欲焦祈
汝飛騰作甘澤

次韻林彥栗賦小塑雙睡嬰

碧紗籠高天，氣清枕肱睡。熟誰家嬰，兩家提孩各一態。昂頭肥腮，肌骨明仰者。欠伸睡欲醒，俯者肉壓絲。相平胖脣脫乳，睡從落。殷紅掩眼春嬌生，自離襁褓。惡泥土，況若塑就，令人驚。長安羞人好，華侈辟環金彩嬌。頽頽低呼王孫挾金彈，勿使窗外樓禽鳴。

十月初五日泊齊州飛虹橋

任城南畔長堤邊，橋壓文水如奔湍。聞官聚木不得過，千艘銜尾拖双牽。非時泄水法有禁，閑梁夜閑防民。幾日中市貿群物，聚紅氍毹碗堆如山。商人嗜利莫不散，酒樓歌館相喧闐。太平風物知幾許，利祿處

處增炊烟明朝北上別放叟叟持汗尊求贈言欲圖
靈稔其未暇為君寫作廉衡篇

過保定阜城縣值雪

昔聞燕山雪花飛牛拳馬縮如蠅癡朔風漲天行欲
仆相傳南土令人疑平生強志決信史踏雪驅車百
餘里寒夜燒冰過昇城玉龍交戰銀河裏八紘九域
皆湯湯山川有形持兩端象帝之先不可轉胚臍而
後吾方觀

觀內廐洗馬

黃雲灑雨沙場秋灘高水平凝不派撓霜能透寒駝
裘圉人浴馬津水頭綵驃連錢雙驂驄日光射波脂

臆浮青絲脫輕黃金鉗輕肥短刷濕未乾三花剪髮
平且柔紫雲駿氣將無傷束芻斗豈馬羞茫茫鹽
草生林丘霜蹄胡為踏長楸振鬣一躍期天遊

渡江逢故人況有吾

金山西東波茫茫倒出八景瀟瀟湘湘人久居天一
方相思遙隔水雲鄉欲緘雁足不可將天知離別人
所傷故使特會江之傍江之傍方蘭若芳與君樹芳
壽而康比及懷君歲月長良晤歎曲毋倉忙臨江解
袂酌一觴男兒此志各已強解劍贈君生光芒

宿張大使書齋晨起畫扇

關河月落星垂空怒蛟如雷窺帳中屋頭初日炎霧

起坐想冰雪撐心胸人間能消幾炎熱竹馬小兒成
老翁百年事過只如夢癡蠅著人欺睡濃素紈入手
意華開葵揮斧暑酷無餘幾昔聞悞筆王太令我亦寫
作雙長松他時愛畫不愛扇梧桐葉落生秋風

題三太卿瘦馬

渥洼之水流房精下生飛黃馭群英山川騰驥跡欲
徧骨高肉少空稜層毛焦鬣妥筋力薄紫焰尚烟雙
瞳明功成老將坐廊廟憶昔萬里同晨征痛隨芻豆
真可惜當年神駒兩斛力人生少壯宜有用駿爾浮
雲尚如昔短轅長策何時休鸞車六轡非爲謀蒲萄
喂肉閔河秋猶堪一躍期天游

題織錦迴文圖

驪姬冶容世常有齊女無益沒雙曰吳人聘德不聘
容風雨春花顏不久寔生遠結陽臺歡燕娘織作迴
文綾縱橫八百四十字錦絲煥爛生餘妍一朝仿麗
契復合萬羅松柏相纏綿不似漢宮辭華後團扇班
姬成弃捐古來君臣同一體臣作股肱元首起安危
協力共榮枯扶植邦家濟艱難光竭忠扶漢室一朝
驂燕生疑似魏徵切諫事文皇忽聞碑仆停婚嗣放
臣還婦固常有上世君臣不如此君不見梁鴻真缺
起織錦圖看羊槌敬如賓

讀書齒詩為葛德進作

蒼頡鳥跡人文初
丁上有冊多典謨
六經行天與道
俱易授宣尼
授商瞿春秋諸子紛
魯魚札文脫略淹
中書國風正始惟
閑昨夜忘明月
聲伊吾林風蕭蕭
露研朱欲探太極
河出崑先天之天
一字無

上元夜聞有司括勘田糧并禁金玉甲寅歲作

東風凝寒寒欲謝
鳳曆初臨三五夜
開門窸窣暗塵
生聞道喧吟在官舍
吾聞終歲食在農耕
桑麻處處
春風東南疆界有程限
何須括勘勞農功
古來耕
緣人情驕奢逾越有常刑
世間金玉人所貴
無
土民懷生普天之下皆王土
日中為市通商賈四民

衣食在勤生以法急之何所指弘羊一來人意殊愁
者已多歆者疎大人不問逃亡屋世事悠悠爭可圖

為鄧靜春作幽谷圖

山深冥冥溪谷陰怪石突出當重林迴壑奔流石礧
硤寒霧噴薄浮輕岑猿絲飛攀山欲立懸崖老樹蒼
鱗濕有客擔簦負長笈欲行不行驢脚沾風吹征衣
天欲暮旅館不逢前沮渡此際遙知行路難却向今
朝畫中覩

康知州幼子能作大字詩以慶之

康侯累世稱文儒佳兒今見唾成珠冥冥種德有顯
報天與光代文鸞雛如公此兒年弱冠高攀仙桂登

雲鶴只今已解作大字英雄不與常見俱古來賢哲
繼者少公今壯歲兒勤書青雲泰階坦若塗坐看他
日驤神駒

李園嶠學士仙山圖

畫師昔為仙人招學仙論道有所遭酒酣下命管城
子束縛萬山歸鼠毫蒼崖丹谷隱雲嶠白沙翠竹連
江皋山岩招提出古寺斷崖略拍橫輕舸林間數客
坐揮塵手拈丹砂曳輕瓢似聞謫仙人隱居盡城闕
門開雙華表有路通九霄毛龍不來思君切手揮玄
雲沈生綃

張雷兩道錄仙山圖

岱輿負嶠勃海東仙臺鶴觀金重重山根連絡不得
峙出沒屢逐洪濤風帝命榮彊鞭巨鰲力峙始作蓬
萊宮翠樹丹崖散天閔星經宿緯手可攀上有仙人
邀我同盤桓便當從君服還丹側身跨鶴青雲間

雲山圖贈解之昂御史

蒼山何層層層白雲何英英重溪墜九折雲影隨風生
風生猿颺蹄夜靜山崢嶸山人醉臥不高戶曉騎翔
鸞馬上青冥

和李揆亭聽素子方彈琴

塵氛聒人莫不息成連先生家咫尺玉琴自作松風
吟孰為鍾子鑄黃金孫枝之桐不合抱絃弦古音何

清溪山之高兮摩蒼天水之深兮激重淵我今聽心
非聽聲調高意會兩耳傾雉朝飛鳴未終曲驚烏夜
啼天無色老矣李侯知音客來携一樽浮太白

春暮感懷

辛夷花落芳林靜啼鴉聲乾雲欲暝暖風吹雨綵陰
生梅子心酸猶未醒書窓曉思將無憑故山幽夢青
嶂繁平生自有泉石念寸祿無干何用名薰天富貴
那足恃厚祿未為身後計破垣發屋咲王涯良弃勳
名如脫屣

題高彦敬尚書秀山圖

高侯回紇長髯客墜灑水紈作秋色山南山北風景

殊妙寫態能隨筆墨當時我見潯陽圖疎林古墅秋
空寂黃蘆滿灘飛鳥靜屋底漁樵行遍又潯珠瑕玉
久眩人歎息此圖誰復識清氣滿堂千疊山華岳嵩
高何峻極昔也懸心徐省郎今日緘隨石彭澤只今
世俗稱高俠多愛青山白雲白雲已去作飛雨貌
得中原一片石

題洪谷子雲山圖

丹青古稱妙山水興唐已後筆墨分吳楚項墨不兩
備當時已有高人論老荆揮洒全六法對山貌得真
山真意頑倚天薄日月壑谷隱見迷晨昏橋梁跨險
巖石滑欲歸行人疲駿奔江南久厭土厚薄瞻此秦

華融心神藏宗族祀自舜禹封高禪厚寤不聞安民
無功國有典秦皇漢武徒紛紛大元聖德撫四海降
神左右甫及中興圖宏開八柱立坐以壽域躋斯民
太平粉飾豈無主山龍補家終誰陳願言學此獻明
主圖書玉帛鑄皇墳

和李子繁烟江圖詩

瓜洲津頭三江折鄴城西望孤雲白鉄鎖沉江戟
銷風烟未轉江流石外外成敗安足數血濺狂瀾沈
陳跡憶初四海民莫居鞭驅虫蛇疏百脉大哉禹績
世可仰千牛主人胡德色

題張惲寮指書公孫大娘舞劍器行

飛仙墮翻堆成山堂堂楷法留人間宜官無徒梁闕
往隱鋒藏角尤為難大書五寸徑方文字貴緊健力
出腕八訣具全真是高不學謗草鸚鵡嬌黃華老人
在金國宋李獨數張樺寮似聞高藝兩不下各抱池
勢夸雄豪今觀張書勁且奇筆力欲抵三軍師吳鉤
斫斷怒蛟尾瘦竹折石迴風枝君不見庾征西何須
野鷺論家鷄

送李益齋之臨洮

綏陰端京畿送子之臨洮臨洮何茫茫流出長城
長城岸阻玉關阨于閭卷嶺河涼高羗氏兒郎步
箭哀茄風起斗擊刁良人西征二三載寶曆草蒿

塵遙如今不用酒泉郡豈必坐使朱顏凋
葡萄首霜味雖美異方土俗殊鄉里避地
猶當似管寧受封應得論箕子顏從列騎
擁旌旄歸來燕處華堂裏却話人情翻掌
難曾泥征袍淚如洗

王編脩邀遊西山海子

晴川低迴山蒼蒼涵烟夾溪千里長山腰
澗曲細泉響下激石竇為微潢枯梢挽風
秋色裏脩林落葉隨長江林疎石露見茅
屋時有小徑通微茫招提橫截翠微上闌
干九曲雲飛揚自從束書離故鄉腳頭青
鞋走山梁山川悠長日月速躋攀分寸何
能強太原高人知我意請裂紈素書滄浪
丹青不關名利眼虎

頭癡絕非王郎百年有懷良可哂還拂長松思道場

居庸南口呈王繼學參議諸公

秋山濛鴻林麓稀行人思逐秋雲飛
崖高石滑東行遲野花吹香錦鴉啼
懸崖丹磴路險巖遠瞻華髮親堂
思一官胡乃高句麗去長就短物性
違人生出處各有時昔爲窮窳歲金
閨今作妖嬈倚門姿畫舫強學丹青
師仙耶隱耶是與非武陵何處桃花
溪漁郎思歸我焉歸黃雞白酒山東
西

題袁伯長學士畫

新削之石維其高宣澤布氣凌紫霄
雨餘氣清無秋意水泉無風天籟
彌老樹倏立吹寒梢紛紛客子征

涂遥塞裳涉溪行乘槎蓮花玉芝在山樹久欲尋真
不憚勞蓬萊海闊翻雲濤鳳笙和鳴王子喬願一見
之同遊邀

春堤遊子行

燕子社前春雨歇碧堤芳草連天末柳回青眼欲窺
人間關黃鳥初調舌絳窓紅袖開嬋娟誰家高樓入
雲端十二闌干憑欲遍樓前蕩子馳金鞍少年何必
生遠圖金張高貴無時無郎君解作凌雲賦安效文
君當酒壚只今功名論月俸彎弓射策俱無用十年
回首別京華莫遣春闈生曉夢

題長江圖

布囊不塞長江津六朝文物東南分茫茫天塹本無
限投鞭偶尔欺符秦舊經陳迹未足數中流擎楫終
何人青烟淡淡淮河口白鳥翼翼滿湘濱我家世沛
國少長吳淞坡本意事耕釣悞馳京華塵行看飛騎
擁名利俯首忽憶江南春山鄉二月聞草罷楓林社
鼓祈田神青裙老媪饅饅漿出蜀醪醉倒翁髯孫竭來
情緒混塵俗畫舫為寫長江村他時歸隱芳金下大
平鼓腹陶唐民

送王本中除翰林編修

去年子來吳春水長新蒲今子別我去風蒲揚花路
楊花點衣船行水九疊風帆四千里天地浮雲客寄

身人生聚散如機磨拍手笑歌兒女事剪燭西窓故人
意黑頭便可中書郎胡為飄飄登玉堂玉堂故人
或相問我今畫史非文章

和張子敬題蓮松雪書大洞經

大茅峰頭白雲屋石乳為漿玉為穀去漢衣冠服野
服万斛清泉洗心腹許陽真人六幽居自小不讀人
間書黃庭黃素墨如漆遺迹尚在琅函儲乾坤英氣
弥山嶽咲我尋仙求晚學倘從仙人遊紫清玉局飛符
為開拓趙公書法真有神拓石鐫薛皆合作他年山
上訪遺經却咲當時銘瘞鶴

讀隋書煬帝平陳

廣通渠邊渭水流長安狂將懸兜牟陳郎酣睡未知
曉采石夜渡江聲秋韓擒不待賀若報呼得蠻奴作
鄉導金鉞管闔望仙閣下旌旗繞兵家女兒
髮照人金并稻桐三墜身血痕已汗青溪草遺恨空
憐高使君當時只道明良會三十年間轉頭事江都
未放錦帆回晉陽城內驚塵起

謝王止善經歷徐復初知事送東陽酒

閉門讀書白晝長落花飛絮何茫茫閭巷傳呼送酒
至漕府使君書兩行醅醕滿甕泛新齊琥珀漱灑浮
春光葡萄馬乳未足貴家人共喜聞東陽百錢杖頭
那有此金龜換飲聞知章蒲仙無人我何者愧謝二

芳傳清香藜羹久矣甘澹泊側弁起舞澆愁腸世間
醒醒那可曉戒此沉酣車中郎

八月十五寓武林觀潮呈武良弼太守廉御史
達宣差顧仁甫邵文卿諸公

吳山吞海海水摧越山枕江江流迴兩山東環潮勢
急海門一線如奔雷初看積雪起平地頃刻玉羽橫
江來琉璃城闕森爛熳水晶臺榭高崔嵬軍聲隱地
促萬鼓銳騎奏夜銜雙枝奔湍直小瞿塘峽噴薄應
罕灩澦堆玉龍戟罷滄溟立平波還漾銀舒開乾坤
素笥秋色裏元氣一鼓天光迴人間此景真可說再
俯落日傾金壘

為史玄圃作仙山圖詩

共工觸山山柱折女媧補天天罅裂鍊成五色落人
間突立坤維起雙闕蒼雲擁出金芙蓉扶輿氣結如
飛龍仙人樓觀五雲裏天雞曉唱山無風臨流結亭
者誰子藤蘿遶扉窓檻磬瑤琴一曲松風鳴岩花靜
落杯盤裏世間物情如草露那須丹青點絹素昔賢
事業俱黃土虎頭癡絕真何補

寄潘仁卿

古稱燕趙多慷慨走也少年曾此游王公偉器在鄉
廟義士激烈多奇謀千金一諾駟不及豈以微利欺
幼儔南來書生盡聰俊義言善誘成風流車馬時時

過溪而築歌日日延青樓太行在坦涂上陰晴翻
覆何時休携書一咲出林薄渡江應問濟川舟

題令谷里末御史郭熙圖

雲逸御史居幽燕每愛郭熙山更妍朝川無人詩畫
遠熙也發得營丘傳案纔添迴壑谷駛物象變態秋
毫顛松間野人行負擔一嘆一笑真天然青林點澹
烟霧杪碧水潏撲重溪邊憶昔山行芒屨底蒼葭拂
面層崖丹柎蘿路磴不覺上迴顚忽君升中天白雲
變隸襟袂冷天風吹衣毛骨寒思凡一悞落塵世蟠
桃再熟今千年

德政碑

德政碑路傍立石高魏魏傳是郡中賢太守三年秩
滿人頌之刻石道傍紀德政傍人見者或歎歎借問
歎歎者誰子云是西家鑄石兒去年官差鑄此石官
司習工限十日上戶歛錢支半工每年準備遭駈責
城中書生無學俸但得錢多作好頌豈知太守賢不
賢但喜豪民來饋送德政碑磨不去勸君改作橋梁
柱乞與行人濟不通免使後來觀者疑其故

無祿負

無祿負倉場庫務稅課官尊卑品級有常調三年月
日無俸錢既無祿米充口食家有妻兒徒四壁冬來
未免受飢寒聊取於民資小力寧將貪污受賊私不

忍守廩家菜色貪心一萌何所止轉作機關生巧抵
臣聞古者設官職俸祿養身衣食備父母妻兒底厚
恩清白傳家勸子孫良吏每書廩吏傳邑民常奉長
官尊國家厚德際天地祿養官曹有常例更析恤養
無祿人免教饕餮養取於民

外宅婦

外宅婦十人見者九人慕綠鬟輕盈珠翠粧金釧紅
裳肌體素貧人偷眼不敢看問是誰家好宅眷聘來
不識拜姑嫜逐日綺筵歌宛轉人云本是小家兒前
年嫁作僧人妻僧人田多差役少十年積蓄多財資
寺傍買地作外宅別有旁門通巷陌朱樓四面管絃

聲黃金刺買嬌妹色鄰人借問小家主緣何嫁女為
僧婦小家主云聽我語老子平生有三女一女嫁與
張家郎自從嫁去減容光產業既微差役重官差日
夕守空牀一女嫁與縣小吏小吏得錢供日費上司
前日有公差事力單微無所恃小女嫁僧人兩秋金
珠翠玉堆滿頭又有肥羶充口腹我家破屋改作樓
外宅婦莫嗔妬廡官兒女冬衣布

富家鄰

富家鄰食缺衣單如鵠身自言本是儒家子家世凋
零二十春少時學得鍾王法長作書工傭倩人人稱
書好爭求寫日得千錢婦養親一朝富室居鄰右攜

嘗聞人相誘言書生此屋宜先售立云是乃父祖
傳之志賣之從別遷云此富家生怨惡紛連親友來
訟之官差橫役時時赴貧士箕裘那可守妻兒對
泣寒窗暮悔不蚤從鄰右言致使饑寒無處訴富家
自喜嘉謀遂密使里人相假貸年深本利逐時登低
價准方猶不追我聞古人一畝宮五家為此常和雍
歲時吉凶相慶弔何曾百屋容豪儂嗟哉聖王禮制
久不開移風易俗寧無因寄語世間貧賤士莫羨富
家同結鄰

一官買田

官買田買田憶從延祐年官出繒錢輸里正要買膏腴最上阡不問凶荒水旱歲納取糧須石半農家無收里正償賣子責妻俱足算每歲徵糧差好官米價官收仍助錢不是軍儲與官俸長寧寺內供齋延寺僧食飽毛帽紅不知農耕水旱與荒凶里正陪糧家無湯湯肌膚槌髓愁難窮晉天之下皆王土賦稅輸官許無戶春秋祭祀宗廟中長寧僧飯直何補官買田言意不言不知堯湯水旱口口課民糧幾千石水深田口鱉湯湯如湖陂圍低水深畔不立雖有木

石將何施里正申官官不允徵糧每歲婦倉廩給
無種長茲蒲民產陪償官始準今春水滂忽無津
分災作五分申問渠何故作此弊府州伏熟成三分
吏胥入鄉日旁午二分徵作陪官賦倘逢人詬熟為
荒破盡家貲猶不補因此年年怕官惱水滂水深俱
不報東南民力日漸窮不顧為農顧為盜人生盜賊
豈顧為天生衣食官迫之水滂償米或時總陪糧無
奈水深圍

前妻子

前妻子能說親母生時事母言我昔嫁來時公姑禱
祝觀祈嗣三年生得弟和兄公姑抱向牀頭睡提携

飲哺不暫離短髮垂衣方五歲七歲巡師教讀書十
三便使學文藝年踰二十便求婚要使傳家奉宗祀
豈知公姑年老各歸泉親母悲啼亦辭世父親不忍
房幃孤再娶新人作妻子新人貌新巧語言綢繆勝
似前妻恩驅子為奴女為婢動輒鞭笞生楚瘼三牲
之養猶不足一日之間三反目後妻兒子衣綾羅前
妻子女無布練前妻子女食藜菜後妻兒子羹多肉
親故雖言不肯聽但使巧言相反覆世間此事古來
有申生伯奇能悟君小則壞家法大則傷天倫寄與
人間官與民前妻子女重須親

存復齋文集卷之十

附錄

朱宜人吉氏墓碣銘

奉訓大夫祕書少監蜀虞集撰文

中議大夫祕書太監康里巎書丹

中奉大夫嶺北湖南道肅政廉訪使鄧文原

篆題

征東行省儒學提舉朱德潤常為集言其母吉宜人
之孝也祖母施夫人甚愛之至元甲午十二月吉宜
人將就館而施夫人疾病歎曰吾婦至孝天且賜之
佳子吾必及見之既而疾且亟治後事其大父卜地
陽抱山之原使穿墳以為藏施夫人曰異哉吾夢衣

冠偉大夫來告云勿奪吾宅吾且為夫人孫既而役者治地深五尺許得石焉刻曰太守陸君績之墓別有刻石在傍曰此石爛人來換石果斷矣其祖命亟掩之而更卜兆施夫人又夢偉衣冠者復來曰感夫人盛德真得為夫人孫矣德潤生其大父字之曰順孫而施夫人沒人以為孝感所致吉宜人亦惟婦道成於家也而又好施大德丙午之饑吳民多以子女易食者吉宜人聞其隣之有此也脫簪珥易以歸而食之者數人及歲熟其人亦稍成大悉以歸其父母女子擇善良嫁之吉宜人又以其家之素從兵也嘗恐其子不事儒學則常誨之曰惟朱氏睢陽五老兵部

公之後門戶不輕矣非學其何以自立乎今德潤起
家為挺學使者賴是以成其人之志延祐丁巳之三
月宜人沒而不及見今十有一年矣悲夫周又請曰
夫人亦知德潤之於公有一日之從也命德潤曰
盍圖尔母之不朽者乎敢以銘請吉宜人睢陽人其
大父處仁故宋淮西公馬提督官其父受始家于吳
而宜人婦廷玉氏子四人德潤德寧德懋德玄女

人銘曰

積善在門有子孔文不延其躬以待吉逢吁嗟乎

幽宮

令儀俛休

伯生先生命抄錄一過願併請
先生書之庶永傳也

頤敬告

澤民提學足下

有元儒學提舉朱府君墓志銘

資政大夫江南諸道行御史臺侍御史鄱陽

周伯琦撰并書篆

君諱德潤字澤民朱姓其先睢陽人九世祖貫宋朝
議大夫兵部郎中壽八十餘與杜祁公等為睢陽五
老曾有詩傳于世贈司農少卿子孫因官江南遂著
籍于吳焉司農之五世宗太學錄大司學錄生宗松

書案檢閱文字應得秘書生璦仕國朝為長州縣儒
學教諭與吉氏君之父也君身長八尺秀異絕人
讀書一過輒能記每以詩文自喜善書札尤工畫山
水人物有古作者風天待也當延祐之末年七五游
京師吳興趙文敏公子昂薦之附馬太尉濟王以聞
仁宗皇帝召見王德殿命為應奉翰林文字同知制
誥兼國史院編脩官明年正旦日食越三日受朝君
從藩王再見上注視久之廿一日宮車晏駕三月英
宗嗣位會濟王以忤中貴人斥外太皇太后命馳薊
于鄆之天童寺君遂與偕表授鎮東行中書省儒學
提舉又明年二月大雪上獵柳林駐壽安山以近臣

言名見君獻雪獵賦累萬餘言奇之國家用浮屠法
集善書者以金湑寫梵書有旨命君綜其事蓋旌其
能書也及成而英廟陟配矣君語其友曰吾挾吾能
事兩朝而弗偶是宰物者不吾與也其婦飲三江水
食吳門尊乎旦日買舟而南是時中朝賢公卿若康
里文獻公子山蜀郡虞文靖公伯生四明袁文清公
伯長輩無不留之而君弗聽也既歸杜門屏外討論
經籍增進學業不求聞達垂三十年聲譽益著至正
十一年汝汴弗靖蔓及江淮郡縣多失守明年江浙
行中書省平章政事三旦八統兵東征起程為江浙
行中書省照磨官實參軍謀君慨然曰四方震擾吾

此忍坐視乎遂出應命進言於平章曰民不識兵將
百年矣變生不虞宜以安集為念凡擲兵來附者皆
平民脅從誑誤者請一切貸之庶克有濟平章聽之
三軍用命出杭之鳳口而湖而廣德所指風靡不再
月而杭定鄞二州三縣九鎮一者君之謀居多湖守
一子被害諸將欲殲其黨君力爭之止誅其渠初遣
裨將韓邦彥取廣德或言邦彥世成其地父兄弟
黨寇未便平章屬君覘之君諭以大義其人瀝酒指
無他心還具白其情乃行遂下廣德出其父而殺其
兄弟焉江東人至今道其事既而君以選攝守長興
至州則市無一人乃郊呂父老告之以其故仍印號

給其民以識別於寇且曰汝所怖者官軍尔佩此判
官軍不汝犯於是毗庶麋至未竟月籍戶得萬四千
八百九十九居一載代者至稚童涕泣謂之不得
因以病免歸其後浙省兩試鄉貢士皆君不起
至正十五年歲次乙巳六月十七日君終於正寢
享年七十有二七月辛酉塋吳縣之山先塋次
配于氏先君卒子男四長曰元吉次復吉逢吉
蒙吉女一適陳復亨次蚤世孫男二曰孝孫曰關關
初君之父母施夫人疾亟其大父祕書君卜窆于陽
山之原施夫人夜夢一衣冠偉丈夫告云勿奪吾宅
吾且為夫人孫明日役者鑿地深可五尺得小石碑

刻曰太守陸君績之墓旁有小石刻曰此石爛人來
換石果斷矣祕書君隨命摘之而更下焉施夫人復
夢偉衣冠者曰載感盛德吾真得為夫人孫矣是有
君生人以為厚德所致具見于蜀虞公所撰吉宜人
墓志君性果孝事親先意承志其父嘗疾君憂懼鉢
心一夕鬢斑白手治飲膳醫藥必嘗而後進居喪以
哀戚聞君固貧守義室如懸磬死之裕如游諱文藝
有干輒應人服其精平生述作有存復齋集十卷予
始識之吳興公坐上及持節中外便道必會最後分
省于吳日久婁與君劇論古今成敗若守備施設之
要如導江河如陳警龜習而有徵於是益歎君有周

世之學而不見用於時也惜哉復言能世其家良狀
誼請曰先子特屬纊猶張目自言其出處之槩且曰
汝必為我求吾侍御公之文以圖不朽則九原無憾
笑予與君交將五十年知君者莫我若也永訣之訃
哀哉銘曰

惟聖有言不試故藝懿茲朱君材良氣厲受知於
朝寵遇荐被飛不盡翰隱然名世間出處餘周
以濟或晦或顯一質以義索居食貧有介其植
哉寵膺孰愚孰智陸守存漢賤履卓異曰孝曰
君六何媿去之千年清澗復萃旁薄兩間屈信
氣曰予不信視此偉器勒銘墓門闢君之志

贈朱澤民序

睢陽朱澤民青年甫二十而俊氣溢發一以古人為師詩師謫仙筆扎師逸少畫則規矩出入李昭道父子之間吾留美門一日過鄧靜春所寓之屏澤民時為座中小異容俄出其長松怪石大軸二自言前二三年手所濕絹也又三日以其新作一小幅見貽山平水遠疊嶂逼近前輩遂約靜春過其廬澤民默然以次第展其寒具不流之歲佳俗識真者少不足復怵獨恨澤民生書生家嗜古之習甚深而古人格力是中不可多得使居通都冠蓋之會長裾曳履走朱

門大第得悉窺古人之大全大小李將軍不足多也
闔閭城故是大郡然大年小景片■缺裂有月落烏
啼江楓漁火之寒夜而無烟銷日出一聲欸乃之蕭
湘有香徑弩基玉釵金鏃之荒涼而無荊州鶴澤呼
鷹射雁之感慨有包山洞庭滿林霜橘之點染而無
■騷騷清絕豐蘭沅芷之才情■綴復雲巖眠松平地偃
寒之裁一幹兩幹而止使澤民移其極目千里之遠撐
撐游八百里之松林豈但濃鬣老髯千霜万雪之道
勁浩蕩胸次彼牛羊低章天蒼蒼野茫茫之畫卷於
此提勁一野固自瀟灑日月也予老矣四澤民野尚

致乃叙吾所見以激發之士別三日便當刮目相
待澤民寓家吳下能以吾言小作參請此別三日已
往吳下阿蒙矣况李將軍乎書以為存

海粟老人馮子振叙

澤民之八世祖兵部公睢陽五老之一也渡江後子
孫僑居吳中清風素範相仍不墜而澤民兼善於畫
嘗出游京師公卿貴人咸加禮遇駙馬都尉瀋陽王
尤愛重之奏辟提舉征東儒學不就而歸益杜門讀
書而大肆於詩文今年秋予以久直詞林竊祿無補
乞身而退蒙恩召還假館姑蘇驛澤民不鄙過予遺

以古文一帙曰存復齋集者凡爲賦若干騷二十銘二十有七記十有一序九計其他所撰著宜不止此富我言乎蓋昔之善畫者不必工於詩工於詩矣又不必皆以文名於世故雖鄭虔以畫書詩號稱三絕而文不與焉荀卿子謂藝之西者不兩能澤民之多能匪直今人之所難求之古人固不易得也顧予方迫於使命匆匆就道未暇三復而爲之品題姑志其歲月于篇末以寓贊美之私云爾

至正九年秋閏七月十五日金華黃澤書

仲子復吉字仲陽少穎悟書無不讀善屬文尤
邃於詩元由科目授湖州路學錄

國初為翰林典籍

太祖皇帝廷臣編製律令學士危太朴素重公薦
公與其事擢工部照磨調漢陽經歷以事謫戍
西夏

慶王

聞其名召入侍

左右討論經史講貫性理之學無何有
詔遷成慎選賢才遷將以公應召

王曰仲陽之道德文學吾欲以為依歸今其行也
俾吾失所歸陳所學矣因請為府僚

上允其請除伴讀陞紀苦有董賈之風焉公在西夏
家傳雖隱五老圖至公已三百餘年恐流落殊
方間關萬里携婦囑付其弟戶科給事平吉歲
之今圖在吉所弔有集傳于世年七十六
歲二子瑄業儒精醫次璠孫鐸授丘縣儒學教
諭出家

季子字季寧洪武中以才德薦除戶科給事中
時糧長稽違勘合皆坐死公憫之上言勘合雖
違而稅糧已足罪宜減死

詔可其奏悉宥之有胡藍逆黨誅戮殆盡猶有濫
及善良者公率諸給事奏其冤妄翌旦

欽諭廷臣深加獎美自是告者遂息有織文綺衣
之賜轉中書舍人除翰林侍書陞湖廣按察司
僉事鞫疑獄伸冤滯

太宗文皇帝登極復中書舍人奉

勅題

高廟神主眷賞特厚年八十一而終公清脩苦節嗜
學好文居常則謹守禮度居官則謹奉職業嘗
誦朱子猛省味腴之句與人交不盡歡以竭忠
行有不得反求諸己己所不欲勿施於人至若
親友負徂抵罪則藹書以赴其急館人去難遺
粟則覆藏以待其還其為侍書也

制詔之傳於四方

書札之

賜於勲舊多公書之出入

禁闥殆將十年忠誠慎始始終一致可謂細行不

遺全德無頗之士者矣所著有三畏齋稿子定

安泰安陽信縣儒學教諭永安

山崑志

附錄終